



690

690

Broj: 11/04-05-13556/18
Sarajevo, 03.05.2018. godine

SKUPŠTINA KANTONA SARAJEVO

– ovdje –

PREDMET: Odgovor na zastupničko pitanje zastupnika Rađo Dževada

Zastupnik Rađo Dževad je Vladi Kantona Sarajevo, na 40. Radnoj sjednici Skupštine Kantona Sarajevo, održanoj 04.04.2018. godine, u okviru tačke dnevnog reda „Poslanička pitanja, inicijative i odgovori“, u skladu sa Poslovníkom Skupštine Kantona Sarajevo, postavio sljedeće zastupničko pitanje, citiramo:

„Tražim od Vlade Kantona Sarajevo da od resornih ministarstava pribavi izvještaje i iste objedini u jedinstvenu informaciju o tome koji su do sada potpisani kolektivni ugovori, na koji period i na koliko se zaposlenih u javnom sektoru ugovori odnose, ima li već podnesenih novih tužbi i dr. Posebno želim da znam koliko javni sektor koštaju ti potpisani ugovori i da li Kanton Sarajevo ima kapacitete da odgovori na sve ugovorene obaveze“

ODGOVOR:

U nadležnosti Ministarstva za obrazovanje, nauku i mlade Kantona Sarajevo su predškolske ustanove, osnovne i srednje škole i visokoškolske ustanove (fakulteti, akademije, instituti).

Vlada Kantona Sarajevo je, u 2018. godini iz oblasti obrazovanja, potpisala:

1. Kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“, broj: 4/18) i
2. Kolektivni ugovor za djelatnost srednjeg obrazovanja u Kantonu Sarajevo („Službene novine Kantona Sarajevo“, broj: 12/18).

Kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevo je potpisan za period do 31.08.2020. godine, a Kolektivni ugovor za djelatnost srednjeg obrazovanja u Kantonu Sarajevo za period do 30.09.2020. godine.

Broj zaposlenih na koji se Kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevo odnosi je 3820 radnika (svedeno na punu normu - 40 sati sedmično za jednog ranika).

Broj zaposlenih na koji se Kolektivni ugovor za djelatnost srednjeg obrazovanja u Kantonu Sarajevo odnosi je 1976 radnika (svedeno na punu normu - 40 sati sedmično za jednog radnika).

Prema raspoloživim informacijama, po osnovu navedenih kolektivnih ugovora nema podnesenih tužbi.

U smislu navedenog, podsjećamo da su u prethodnim tužbama radnika po osnovu neostvarenih prava iz kolektivnih ugovora prvotuženi bile ustanove (osnovne i srednje škole), a drugotuženi Vlada Kantona Sarajevo. Obzirom da Vladu Kantona Sarajevo pred sudovima zastupa Pravobranilaštvo Kantona Sarajevo, odgovor na pitanje eventualno podnesenih novih tužbi može dati pomenuti organ.




Cijena koštanja kolektivnih ugovora se ne može izračunati, obzirom na više promjenjivih kategorija (nagrada, naknada za slučaj smrti ili bolesti i sl.)

Kada je u pitanju odgovor na finansijske obaveze koje proizilaze iz pomenutih kolektivnih ugovora, napominjemo da su isti potpisani nakon usvajanja Budžeta Kantona Sarajevo za 2018. Godinu, te smatramo da će se uz manja ili veća odstupanje u pojedinačnim stavkama Budžeta obaveze za 2018. godinu, uz nekoliko preraspodjela moći izvršiti.

Dokument okvirnog budžeta (DOB) za period 2019.-2021. godina je u izradi i ustanove iz nadležnosti ovog ministarstva u svom prijedlogu za ovaj dokument, shodno ranijim obavezama i vlastitoj procjeni činjenica i mogućih okolnosti, aproksimativno planiraju sredstva kojima će se moći izvršiti sve obaveze (uz odstupanja koja ovise o konkretnim okolnostima).

Obzirom da je predlagač budžeta za svaku godinu pojedinačno, kao i za DOB Vlada Kantona Sarajevo, a donosilac Skupština Kantona Sarajevo, smatramo da se prijedlozi ustanova koji se tiču obaveza preuzetih potpisivanjem kolektivnih ugovora, moraju razmotriti sa dužnom pažnjom.

S poštovanjem,



Prof.dr. Elvir Kazazović

Dostaviti:

1. Naslovu
2. Stručna služba Vlade Kantona Sarajevo
3. Arhivi



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

